

ken gheschicket moeten worden in den
wercken dijner gheboden Die lieue
here mijn herte ende mijn tonghe
en al mijn leden en synnen synt
voer dy Die worden ghedwonghe
vermits hem. meer sie en vermoe-
ghen niet sonder din hulpe Ich
bidde dy suete Jesu oetmoedelicke
dattu mijn begheerte wilste ver-
vullen in allen gueden dinghe op
dat ick in ewichheit mytti mach ver-
blinden Amen. *Item du salste der e-
ewigher wijsheit maken een cras
van desen bloemen. Die eerste blo-
men soelen wesen fiolen als v. gla
pri. op elck dese nauolgēde antiffō.*
Dat alre ouerste woert gheboze
vanden vader voer alle tijden is om
ons vleysch gheworden en heft he
seluen vernedert *En du salste sie le-
sen in die ere sijner dieper oetmoe-
dichheit dat hie neder ghesteghen is*